

EXPEDIENTE:	2024/00034911C
PROCEDEMENTO:	Aprobación das bases de subvencións (FP)

A Xunta de Goberno Local do Concello de Santiago de Compostela, na sesión ordinaria celebrada o 26 de agosto de 2024 adoptou o seguinte acordo:

Aprobación das bases reguladoras e convocatoria para o ano 2024 de Axudas Destinadas a apoiar ás empresas de Economía Social de Santiago de Compostela 2024.

A proposta é do seguinte teor literal:

**INFORME PROPOSTA Á XUNTA DE GOBERNO LOCAL PARA A APROBACIÓN DAS BASES REGULADORAS E CONVOCATORIA PARA O ANO 2024 DA CONVOCATORIA DE AXUDAS DESTINADAS A APOIAR ÁS EMPRESAS DE ECONOMÍA SOCIAL DE SANTIAGO DE COMPOSTELA 2024.**

**I ANTECEDENTES**

**1.- Introducción**

A finalidade destas axudas é contribuír á consolidación e desenvolvemento do tecido empresarial no Concello apoiando a empresas de economía social mediante **axudas ao gasto corrente** no que incorren para desenvolver a súa actividade empresarial.

Como se recolle no estudio “Plan de Acción para a Economía Social nos barrios de Compostela” elaborado no ano 2023 no marco da execución da EDUSI Revive Santiago, Santiago de Compostela conta cun ecosistema de Economía Social propio e diferenciado que, se ben é certo que se consolida nos últimos anos, conta cunha ancoraxe importante no tecido produtivo da cidade. Exemplo disto é a evolución das políticas públicas municipais nos últimos anos, entre as que cómpre salientar o Plan Marco de Reactivación Económica para paliar as consecuencias da COVID – 19, a incorporación da cidade á Rede Eusumo para o fomento da economía social, a introdución da economía social como política panca na estratexia da axenda urbana; e a capitalidade española da Economía Social que se celebrou o ano 2022 en Santiago de Compostela. A Economía Social en Santiago de Compostela é un pilar fundamental que promove valores de cooperación, solidariedade e inclusión social. As empresas

que conforma este sector económico xogan un papel relevante xa que non só xeran empregos e riqueza, senón que tamén traballan activamente para mellorar a calidade de vida dos seus membros e da comunidade en xeral.

A cidade de Santiago de Compostela está comprometida igualmente co cumprimento do Obxectivos para o Desenvolvemento (ODS) a través da súa Axenda Urbana 2030. Un plan que busca ser o marco de referencia para a cidade na próxima década. Este plan de acción está composto por un total de seis dimensións (diversificación económica; dimensión cidadá: calidade de vida, benestar e cidadanía; territorio e mobilidade; diversidade, cohesión social e inclusión; educación, patrimonio e cultura; e sostibilidade e transición verde) que agrupan a un total de 40 liñas.

Se ben é certo que ao longo de todo o documento recóllese á ES como un eixo vertebrador, é na dimensión de diversificación económica onde se recolle unha liña de acción individualizada: Liñas de acción: “Santiago Cidade Emprendedora e Economía Social”

Neste marco de traballo se encadra a presente liña de axudas.

3.- As bases reguladoras das subvencións a empresas para actuacións en materia de economía social no Concello de Santiago de Compostela para 2024 sofren determinados cambios con respecto da convocatoria do ano 2023:

4.1. O orzamento pasa a ser de 120.000 euros, en lugar dos 160.000 euros da convocatoria do ano anterior.

4.2. Introdúcese nos criterios de concesión como criterio de valoración da memoria “A memoria empresarial valorará o triple impacto (social e medioambiental ademais de económico) “.

4.3. O prazo de presentación de solicitudes finalizará o 1 de outubro de 2024.

4.4. O procedemento resolverase antes do 15 de novembro de 2024

4.5. Introdúcese no apartado 10 das bases relativo á instrución do procedemento o seguinte:

*“A avaliación das solicitudes, conforme os criterios de valoración establecidos na base 4ª, realizarase pola Oficina de Promoción Económica do Concello de Santiago de Compostela en comisión, estando integrada esta comisión polas seguintes persoas:*

- *A Concelleira Responsable de Promoción Económica, quen presidirá a comisión*
- *A técnica responsable de Promoción Económica, que actuará ademais como secretaria da comisión, sen voto no seu papel de secretaria.*
- *Un/unha técnico/a municipal.*

## II CONSIDERACIÓNS

1. A Lei 5/2014 do 27 de maio, de medidas urxentes derivadas da entrada en vigor da Lei 27/2013 de 27 de decembro de racionalización e sustentabilidade da Administración Local; establece no seu artigo 3.3 b) que non se considerará como exercicio de novas competencias a continuidade das actividades xa establecidas en exercicios anteriores, caso no que enmarca a presente liña de actividades.

O programa Compostela Móvese integra continuando coa liña aberta en anos anteriores baixo o nome Santiago Investors Support (lanzado no ano 2011), Compostela Activa (lanzado no ano 2001) ou Rede de Cooperación Local (lanzado no ano 2005) todas as accións da Oficina de Promoción Económica relacionadas co apoio a cultura emprendedora, á creación de novas empresas, á mellora da competitividade empresarial e á dinamización socioeconómica do municipio.

A Oficina de Promoción Económica leva apoiando a promoción da creación de emprego, a formación e mellora profesional, a creación de empresas e o auto emprego a través de programas de formación, dinamización da actividade económica, encontro comercial e axudas dende a súa creación no ano 2004, existindo ademais esta liña de traballo e actividade con anterioridade a esa data no marco das accións da extinta Axencia de Desenvolvemento Local.

Segundo o establecido no artigo 3 puntos a) e b) da Lei 5/2014 do 27 de maio de medidas urxentes derivadas da entrada en vigor da Lei 27/2013 do 27 de decembro, de racionalización e sustentabilidade da Administración Local non se entenderá como exercicio de novas competencias a continuidade na

prestación dos servizos xa establecidos nin a continuidade da actividade de fomento xa establecida en exercicios anteriores; polo tanto a continuidade destas liñas de axudas ao establecemento da actividade empresarial non poden ser consideradas exercicio de novas competencias.

A aportación propia precisa para a execución das actividades realízanse con fondos propios do Concello de Santiago de Compostela non comprometendo a sustentabilidade financeira do Concello de Santiago e non supoñendo ademais unha reiteración ou duplicidade sobre as actividades realizadas pola Xunta de Galicia, organismo co que a raíz do convenio asinado para a Industrialización de Compostela se traballa de xeito coordinado.

A falta dunha lei que determine o camiño a seguir con estas competencias que non poden considerarse no actual marco legal, propias, delegadas nin de novo exercicio consideramos que ao non comprometer a sustentabilidade financeira do Concello e ao non supoñer reiteración ou duplicidade sobre accións da Xunta de Galicia debería dársele continuidade a estas accións.

## **2.- Marco normativo:**

- Lei 38/2003, do 17 de novembro, xeral de subvencións e o real decreto 887/2006, do 21 de xullo, polo que se aproba o seu regulamento.
- Lei 7/1985, do 2 de abril, reguladora das bases do réxime local.
- Real D.L. 2/2004, do 5 de marzo, polo que se aproba o texto refundido da Lei reguladora das facendas locais.
- Lei 39/2015, do 1 de outubro, do procedemento administrativo común das Administracións Públicas.
- Lei orgánica 3/2018, do 5 de decembro, de protección de datos persoais e garantía dos dereitos dixitais.
- Lei 9/2007, do 13 de xuño, de subvencións de Galicia e o Decreto 11/2009, do 8 de xaneiro, polo que se aproba o seu regulamento.
- Lei 15/2014, de 16 de setembro, de racionalización do sector público e outras medidas de reforma administrativa que modifica o réxime xurídico da bases de datos nacional de subvencións (BDNS) contido no artigo 20 da Lei 38/2003, de 17 de novembro, xeral de subvencións.

- Resolución de 10 de decembro de 2015, da intervención xeral da administración do estado, pola que se regula o proceso de rexistro e publicación de convocatorias de subvencións e axudas no sistema nacional de publicidade de subvencións (BOE núm. 299 do 15/12/2015)
- Bases de execución do orzamento de 2024, do Concello de Santiago.

**3.-** O procedemento de concesión das axudas recollidas nesta convocatoria é de concorrencia competitiva.

**4.-** A competencia para aprobar as bases reguladoras, o gasto e a convocatoria destas subvencións correspóndelle á Xunta de Goberno Local do Concello de Santiago de Compostela.

**5.-** Achégase a este informe proposta a seguinte documentación:

- Bases da convocatoria en galego,
- Bases da convocatoria en castelán
- Formulario de solicitude
- Documento contable de retención de crédito RC.

### **PROPOSTA**

Á vista de canto antecede e de cara a por en marcha a “CONVOCATORIA DE AXUDAS DESTINADAS A APOIAR ÁS EMPRESAS DE ECONOMÍA SOCIAL DE SANTIAGO DE COMPOSTELA 2024 ”, propónse á Xunta de Goberno Local, que adopte os seguintes acordos:

:

**PRIMEIRO:** Aprobar a “CONVOCATORIA DE AXUDAS DESTINADAS A APOIAR ÁS EMPRESAS DE ECONOMÍA SOCIAL DE SANTIAGO DE COMPOSTELA 2024 ”.

**SEGUNDO:** Aprobar o gasto relativo a “CONVOCATORIA DE AXUDAS DESTINADAS A APOIAR ÁS EMPRESAS DE ECONOMÍA SOCIAL DE SANTIAGO DE COMPOSTELA 2024”, por importe total de 120.000,00 euros con cargo á aplicación orzamentaria 020 43300 4790002 DESENVOLVEMENTO EMPRESARIAL TRANSFERENCIAS CORRENTES A EMPRESAS PRIVADAS

**TERCEIRO:** Publicar as bases da convocatoria no Boletín Oficial da Provincia de A Coruña a través da Base de Datos Nacional de Subvencións.(BDNS).

A proposta foi fiscalizada pola intervención municipal con nº de referencia 2024/834 e con resultado Fiscalización de conformidad.

A Xunta de Goberno Local acorda:

**PRIMEIRO:** Aprobar a “CONVOCATORIA DE AXUDAS DESTINADAS A APOIAR ÁS EMPRESAS DE ECONOMÍA SOCIAL DE SANTIAGO DE COMPOSTELA 2024 ”.

**SEGUNDO:** Aprobar o gasto relativo a “CONVOCATORIA DE AXUDAS DESTINADAS A APOIAR ÁS EMPRESAS DE ECONOMÍA SOCIAL DE SANTIAGO DE COMPOSTELA 2024”, por importe total de 120.000,00 euros con cargo á aplicación orzamentaria 020 43300 4790002 DESENVOLVEMENTO EMPRESARIAL TRANSFERENCIAS CORRENTES A EMPRESAS PRIVADAS

**TERCEIRO:** Publicar as bases da convocatoria no Boletín Oficial da Provincia de A Coruña a través da Base de Datos Nacional de Subvencións.(BDNS).

